

N 9.

1480 --

Testament der Neupeck.

lose Einlage vor fol. 207r Item dy Newpegk hatt testirt dy gorttel und dy silbrin schelle dy sullen czu dem liben sancto Johanni an idermansz einspruch.

Item dy 50 gulden, dy ir swester sulden werden, ist ir leczter wil, das man ir nicht gebin sal, wen sy ir vor 30 gulden geligen hatt.

Item 10 gulden silbern, dy sullen dem ratt czu der spennde.

Item 10 gulden, dy sullen czu des hauptmans Romersz spende.

Actum in Peter Jacoffs husz des stadtvoits von rates wegen ingegenwertikeit seiner erlichen husfrawen^{a)} Bertolden Reinolt von Lübicke und Hansen Hoffenmann mit der einen handt am fritage noch sancti Nicolai anno etc. LXXX^{mo}.

a) folgt durchgestrichen und

N 10

1424 August 11; 1424 Oktober 21

Die Stadt verleiht militärische Ausrüstung.

loser Zettel bei Bl. 2 Actum^{a)} ipsa die sancte Amplonie hat man geligen meinen herrm vom Grunhayn vir buchzen kupfern, dy behalden 39 pfund auch vir armbrost gewerdter vor 2 schog gr und 10 pfund pulffers. Item den von der Lesznicz hat man geligin eyn dryfache buchze, dy man uz Behemen brachte unde sust ouch dry buchzen. Actum feria sexta post Laurentii Anno etc. XXIII^o etc.

Verzeichnis des Weinbesitzes.

[Rückseite:] Actum die 11 milia virginum hat man gehamet 1 vasz Czwezener continent [?] 12 eymer 15 noszel, ein noszel aber 2 heller. Etiam ein vasz Czwezener czu 3 heller, continent 12 eymer minus 20 noszel, an dem selben vasz ist beseszen 5 eymer 50 noszel. Etiam ein vasz Elzeßer zu 7 heller, continet 13 eymer minus 2 noszel. Etiam ein vasz Elzesser zu 8 heller, continent 12 eymer minus 2 noszel. Etiam 2 vasz Elzeszir kornauwerz zu 7 heller continet 25 eymer 25 noszel.

a) folgt durchgestrichen indico